

釋迦譜卷第四

蕭齊釋僧祐撰

緣四

釋迦降生釋種成佛緣譜第四

出因果經
余時菩薩以慈心力於二月七日夜降伏魔
已放大光明即便入定思惟真諦於諸法中

禪定自在悉知過去所造善惡從此生彼父
母眷屬貧富貴賤壽命長短及名姓字皆悉
明了即於衆生起大悲心而自念言一切衆
生無救濟者輪迴五道不知出津皆悉虛偽
無有真實而於其中橫生苦樂作是思惟至
中夜盡瑞應本起云是日初夜得一術闍自
知宿命無數劫已來精神所更展轉受身不
可計數皆識知之至二夜時得二術闍悉知
衆生心中所念善惡殃福生死所趣至三夜
時得三術闍漏盡結解自知本昔久所習行
四神足念精進定欲定戒定變化法所
欲如意不復用思身能飛行能分一身作百

作千至億萬無數復合為一能徹入地石壁
皆過從一方現俯沒仰出譬如水波能中出
水履水行虛身不陷墜坐卧空中如飛鳥翔
立能及天手捫日月涌身平立至梵自在眼
能徹視耳能洞聽意預知諸天人龍鬼神蚊
行蠕動之類身行口意言心所欲念悉見聞
知諸有貪婬無貪婬者有瞋恚無瞋恚者有
愚癡無愚癡者有愛欲無愛欲者有大志行
無大志行者有內外行無內外行者有念善
不念善者有一心無一心者有解脫意無解
脫意者一切悉知菩薩觀天上人中地獄畜
生鬼神五道先世父母兄弟妻子中外姓字
一一分別一劫十劫百千億萬無數世事至
于之天地一劫崩壞空荒之時一劫始成人
物興時能知十劫百劫至于千萬億無數劫
中內外姓字衣食苦樂壽命長短死此生彼
展轉所趣從上頭始諸所更身生長老終形
色好醜賢愚苦樂一切三界皆分別知見人

鬼神各自隨行生五道中或墮地獄或墮畜
生或作鬼神或生天上或入人形有生豪貴
富樂家者有生卑鄙貧賤家者知衆生惑五
陰自蔽一色像二痛痒三思想四行作五慮
識皆習五欲眼貪色耳貪聲鼻貪香舌貪味
身貪細滑為愛欲所牽惑於財色思望安樂

緣四

二

從是生諸惡本從惡致苦能斷愛習不隨婬
心大如毛髮受行八道則終苦滅譬如無薪
亦復無火是謂無為度世之道菩薩自知已
棄惡本無婬怒癡生死已除根種悉斷無餘
栽藥所作已成智慧已了明星出時霍然大
悟得無上正真之道為最正覺得佛十八法
有十神力四無所畏

尔時菩薩既至中夜即得天眼觀察世間皆
悉徹見如明鏡中自觀面像見諸衆生種類
無量死此生彼隨行善惡受苦樂報見地獄
中考治衆生或洋銅灌口或抱銅柱或卧鐵
牀或以鐵鑊而煎煮之或以火上而加弗炙

或為虎狼鷹犬所食或有避火依於樹下樹
葉墮落皆成刀劍割截其身或以斧鋸解剥
肢體或擲熱沸灰河之中或復擲熱糞屎坑
中受如是等種種諸苦以業報故命終不死
菩薩既見如此事已而心思惟此等衆生本
造惡業為世樂故而今得果極為大苦若人

有見如此惡報無復更應作不善想尔時菩
薩復觀畜生隨種種行受雜醜形或復有為
骨肉筋角皮牙毛羽而受煞者或復為人負
荷重擔飢渴之極人無知者或穿其鼻或鉤
其首常以身肉而供於人還與其類更相食
噉受於如是種種之苦菩薩既見生大悲心

緣四

三

即自思惟斯等衆生恒以身力而供於人又
加楚撻飢渴之苦皆是本修惡行果報尔時
菩薩次觀餓鬼見其恒居黑暗之中未曾暫
覩日月之光還是其類亦不相見受形長大
腹如大山咽喉若針口中恒有大火熾然常
為飢渴之所煎迫千億萬歲不聞食聲設值

天雨灑其上者變成火珠或時過臨江海河池水即化為熱銅焦炭動身舉步聲如人牽五百乘車肢體節節皆悉火然菩薩既見受如是等種種諸苦起大悲心而自思惟斯等皆為本造慳貪積財不施故令今者受斯罪報若人見彼受此苦痛宜應惠施勿生恠惜設使無財亦應割肉以用布施

尔時菩薩次復觀人見從中陰始欲入胎父母和合以顛倒想起於愛心即以不淨而為己身既處胎已在於生熟二藏之間熏炙身體如地獄苦至滿十月然後方生初生之時而為外人之所抱執鹿澁苦痛如被刀劔如是不久復歸老死更為嬰兒輪轉五道不能自悟菩薩見已起大悲心而自思惟衆生皆有如斯之患云何於中耽著五欲橫計為樂而不能斷顛倒根本

尔時菩薩次觀諸天見彼天子其身清淨不受塵垢如真瑠璃有大光明而自不瞬或有

居在須彌山頂或復居在須彌四領或復居在虛空之中心常歡悅無不適事奏天美樂以自娛樂不識晝夜四方諸趣無不絕妙視東耽著彌歲忘轉瞻西流酒經年不迴乃至南北皆亦如是飲食衣服應念即至雖有如此適意之事猶為欲火之所煎焦又見彼天福盡之時五死相現一者頭上華萎二者眼瞬三者身上光滅四者腋下汗出五者自然離於本座其諸眷屬見天子身五死相現心生戀慕天子亦復自見己身有五死相又見眷屬戀慕於己當尔之時生大苦惱菩薩既見彼諸天子有如此事起大悲心而自思惟

此諸天子本修少善得受天樂果報將盡生大苦惱既命終已捨彼天身或有墜於三惡道中本造善行為求樂報而今所得少樂多苦譬如飢人散雜毒食初雖為美終成大患云何智者貪樂此也色無色界諸天見壽命長便謂常樂既見變壞生大苦惱即起邪見

緣四

四

謂無因果以此事故輪迴三塗備受諸苦菩薩以天眼力觀察五道起大悲心而自思惟三界之中無有一樂如是思惟至中夜盡尔時菩薩至第三夜觀衆生性以何因緣而有老死即知老死以生爲本若離於生則無老死又復此生不從天生不從自生非無緣生

從因緣生因於欲有色有無色有業生又觀三有業從何而生即知三有業從四取生又觀四取從何而生即知四取從愛而生又復觀愛從何而生即便知愛從受而生又復觀受從何而生即便知觸從六入生又復觀觸從何而生即便知六入從名色生又觀名色從何而生即知名色從識而生又復觀識從何而生即便知識從行而生又復觀行從何而生即便知行從無明生若滅無明則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅

緣四

五

則取滅取滅則有滅有滅則生滅生滅則老死憂悲苦惱滅如是逆順觀十二因緣第二夜分破於無明明相出時得智慧光斷於習障成一切種智尔時如來心自思惟八正聖道是三世諸佛之所履行趣般涅槃路我今已踐智慧通達無所罣礙于時大地十八相動遊霞飛塵皆悉澄淨天鼓自然而發妙聲香風徐起柔軟清涼雜色瑞雲降甘露雨園林華果榮不待時又雨曼陀羅華摩訶曼陀羅華曼殊沙華摩訶曼殊沙華金華銀華瑠璃等華七寶蓮華繞菩提樹滿三十六踰闍那是時諸天作天妓樂散華燒香歌頌讚歎執天寶蓋及以幢幡充塞虛空供養如來龍神八部所設供養亦復如是當尔之時一切衆生皆悉慈愛無瞋害想歡喜踊躍如見聖跡無怖畏情其心調柔離憍慢意亦無慳嫉諂誑之心五淨居天離喜樂根亦皆歡悅不能自勝地獄苦痛暫得休息生大歡喜一切

畜生相食噉者無復惡心餓鬼飽滿無飢渴
 想世界之中幽暝之處日月威光所不能照
 而皆大明其中衆生悉得相見各作是言此
 中云何忽有衆生大聖法王出興於世以大
 法光破非法暗故令一切皆悉明朗甘蔗先
 王棄國學道得五通仙又行十善得生天者
 皆乘神通到菩提樹在虛空中歡喜合掌而
 讚歎言於我甘蔗種族之中能斷諸漏成一
 切智爲世間眼甚爲奇特一切人天莫不歡
 喜踊躍無量唯有魔王心猶憂愁
 尔時如來於七日中一心思惟觀於樹王而
 自念言我在此處盡一切漏所作已竟本願
 成滿我所得法甚深難解唯佛與佛乃能知
 之一切衆生於五濁世爲貪欲瞋恚愚癡邪
 見憍慢諂曲之所覆障薄福鈍根無有智慧
 云何能解我所得法今我若爲轉法輪者彼
 必迷惑不能信受而生誹謗當墮惡道受諸
 苦痛我寧默然入般涅槃尔時如來以偈頌曰

緣四

六

聖道甚難登 智慧果難得 我於此難中
 皆悉已能辦 我所得智慧 微妙最第一
 衆生諸根鈍 著樂癡所盲 順於生死流
 不能反其源 如斯之等類 云何而可度
 尔時如來作是念已大梵天王見於如來聖
 果已成默然而住不轉法輪心懷憂惱即自
 念言世尊昔於無量億劫爲衆生故久在生
 死捨國城妻子頭目隨腦備受衆苦始於今
 者所願滿足成阿耨多羅三藐三菩提云何
 默然而不說法衆生長夜沉沒生死我今當
 往請轉法輪作是念已即發天宮猶如壯士
 屈伸臂頃至如來所頭面禮足遶百千匝却
 住一面胡跪合掌而白佛言世尊往昔爲衆
 生故久住生死捨身頭目以用布施備受諸
 苦廣修德本始於今者成無上道云何默然
 而不說法衆生長夜沒溺生死墮無明暗出
 斯甚難然有衆生過去世時親近善友植諸
 德本堪任聞法受於聖道唯願世尊爲斯等

故以大悲力轉妙法輪釋提桓因乃至他化自在天亦復如是勸請如來爲諸衆生轉大法輪

尔時世尊答大梵王及釋提桓因等言我亦欲爲一切衆生轉於法輪但所得法微妙甚深難解難知諸衆生等不能信受生誅謗心

緣四

七

墮於地獄我今爲此故默然耳時梵天王等乃至三請尔時如來至滿七日默然受之梵天王等知佛受請頭面禮足各還所住賢思云佛在摩竭國善勝道場初始得佛念諸衆生迷網邪倒難可教化若我住世於事無益不如遷逝無餘涅槃尔時梵天知佛所念即從

天下前詣佛所頭面禮足長跪合掌勸請世尊轉于法輪佛答梵天衆生之類塵垢所蔽樂著世樂無有慧心若我住世唐勞其功如吾所念唯滅爲快尔時梵天復更傾側而白佛言世尊今日法海已滿法幢已立潤濟開導今正是時又諸衆生應可度者亦甚衆多

云何世尊欲入涅槃使此萌類永失覆護世尊先昔無數劫時恒爲衆生采集法樂乃至一偈以身妻子而用募求云何不念便欲孤棄過去久遠於閻浮提作大國王号脩樓婆領此世界八萬四千諸小國邑六萬山川八十億聚落王有二萬夫人一萬大臣時妙色

王德力無比覆育民物豐樂無極王心念曰如我今者唯以財寶資給一切無有道教而安立之此是我各何其苦哉今當推求堅實法財普令得服即時宣令閻浮提內誰能有法與我說者恣其所得不敢違逆募出周遍無有應者時王憂愁酸切懇惻毗沙門王見其如是欲往試之轉自變身化作夜叉色貌青黑眼赤如血狗牙上出頭髮悉豎火從口出來詣宮門口自宣言誰欲聞法我當爲說王聞是語喜不自勝躬自出迎前爲作禮敷施高座請令就坐即集羣僚前後圍遶欲得聽聞尔時夜叉復告王曰學法事難云何直

尔欲得聞知王又手曰一切所須不敢有逆
 夜又報曰若以大王可愛妻子與我食者乃
 可與法尔時大王以所愛夫人及兒中勝者
 供養夜又夜又得已於高座上衆會之中取
 而食之尔時諸王百官羣臣見王如是啼哭
 懊惱宛轉在地勸請大王令捨此事王為法

緣由

故心堅不迴時夜又鬼食妻子盡為說一偈
 一切行無常 生者皆有苦 五陰空無相

無有我我所

說是偈已王大歡喜心無悔恨大如毛髮即
 使盡寫遣使頒示閻浮提內咸使誦習世尊
 往昔為於衆生不顧身命乃至如是今者世

尊法海已滿法幢已立法鼓已建法炬已照
 潤益成立今正得時云何欲捨一切衆生入
 於涅槃而不說法尔時梵王於如來前合掌
 讚歎說於如來先身求法為於衆生凡有千
 首世尊尔時受梵王請即便往詣波羅奈國
 鹿野苑中轉于法輪三寶因是乃現於世時

諸天人諸龍鬼神八部之衆聞說是已莫不
 歡喜普曜經云如來具足成正覺已移坐石
 室自念本願欲度衆生思惟生死世間道術
 九十六種各信所事孰知其惑天地無常皆
 悉大苦誰能信者意欲默然不為說法便入
 定意時天帝釋知佛不欲說法悲念三界即
 行般遮下到石室鼓琴歌佛本願請說不死
 之法佛隨俗心是法甚深非心所思非言可
 暢即說偈言

深奧恬怕 明耀無垢 吾以遂是 甘露無為
 今我說之 衆人不解 如吾今日 不如默然
 除去言辭 無思無得 如是自然 猶如虛空

緣由

九

時識伽梵王與六萬八千梵來到佛所白佛
 言天地無祐今欲毀壞佛不說法衆苦沉滯
 沒於三界願轉法輪悉救衆生佛默可之時
 有樹神名曰法明又名法樂又名法意又名
 持法白佛言世尊當於何處而轉法輪佛言
 在波羅奈仙人住處鹿苑之中人民雖少我

宿命時在中建立法祠六萬億載在中供養
六萬億諸佛諸仙人等遊居其中以佛道眼
昔觀世間今當為誰第一說法何人易化姪
怒癡薄鬱曇藍弗三垢渺薄身故已來已經
七日第二學仙今日壽終佛復念言昔父王
遣五人俱侍衛我經歷勤苦我今寧可為其
先說

尔時世尊從樹下起尋時舉聲告於三千大
千世界皆使知之至波羅奈詣五人所於是
五人遙見佛來轉相謂言沙門瞿曇迷失無
定所志不獲假使來者慎莫為起亦勿迎逆
彼時五人遙見佛到不能堪任不安所坐即
起歸敬

尔時地神暢聲告已即為立座頌宣廣說十
二因緣拘隣者知本際也佛法聖眾即成三寶名暢
天下音徹梵天俱隣五人六十億天八十億
色界天八萬世人得法眼淨
尔時世尊受梵王等請已又於七日而以佛

眼觀諸衆生上中下根及諸煩惱亦下中上
滿二七日尔時世尊又復思惟我今當開甘
露法門誰應在先而得聞者阿羅邏仙人聰
慧易語又先發願道成度我作是念時空中
有言阿羅邏仙人昨夜命終尔時世尊即便
答彼空中聲言我亦知其昨夜命終又自思

惟迦蘭仙人利根明了亦應先聞空中又言
迦蘭仙人昨夜命終尔時世尊即以答言我
亦知其昨夜命終

尔時世尊又自思惟彼王師大臣所遣僑陳
如等五人瞻視我者皆悉聰明又過去世於
我發願應先聞法我今宜當為此五人先開
緣四

法門又自思惟古昔諸佛轉法輪處皆悉在
於波羅奈國鹿野苑中仙人住處又此五人
所止住處亦在於彼我今應往至其住處轉
大法輪思惟是已即從座起詣波羅奈國尔
時有五百商人二人為主一名跋陀羅斯那
二名跋陀羅梨行過曠野時有天神而語之

言有如來應正遍知明行足善逝世間解無上士調御丈夫天人師佛世尊出興於世最上福田汝今宜應最前設供時彼商人聞天語已即答之曰善哉如告又問天言世尊今者為在何許天又報言世尊不久當來至此於是如來與無量諸天前後導從到多謂娑

跋利村時彼村人既見如來威相莊嚴又見諸天前後圍遶倍生歡喜即以蜜麩而奉上佛尔時世尊心自思惟過去諸佛用鉢多羅而以盛食時四天王知佛心念各持一鉢來至佛所而以奉上於是世尊而自念言我人若受一王鉢者餘王必當生於恨心即便普

受四王之鉢累置掌上案令成一使四際相現尔時世尊即便呪願今所布施欲令食者得充氣力當令施者得色得力得瞻得喜安快無病終保年壽諸善鬼神恒隨守護開示道地得利諸偶吉無不利日月五星二十八宿天神鬼王常隨護助四天大王賞別善人

綵四

十一

飯食布施斷三毒根將來當獲三堅法報聰明智慧篤信佛法在在所生正見不昧現世之中父母妻子親戚眷屬皆悉熾盛無諸災怪不吉祥事門族之中若有命過墮惡道者當令以今所施之福還生人天不起邪見增進功德常得奉近諸佛如來得聞妙說見諦得證所願具足尔時世尊呪願訖已即便受食食既畢竟澡漱洗鉢即授商人三歸一歸依佛二歸依法三歸依當來僧授三歸竟因與之別瑞應本起云佛定意七日不動不搖樹神念佛新得道快坐已七日未有獻食者我當求人令獻佛食時有五百賈人從山一面過車牛皆躓礙不行中有兩大人一名提謂二名波利怖還與衆人俱詣樹神請福神現光像言今世有佛在此優留國界尼連禪水邊未有獻食者汝曹幸先能有善意必獲大福賈人聞佛名皆喜言佛必獨大尊天神所敬非凡品也即和麩蜜俱詣樹下稽首上

佛佛念先古諸佛哀受人施法皆持鉢不宜
如餘道人手受食也四天王即遙知佛當用
鉢如人屈伸臂頃俱到頰那山上如意所念
石中自然出四鉢香潔無穢四天王各取一
鉢還共上佛願哀賈人令得大福方有鐵鉢
後弟子當用食佛念取一鉢不快餘王意便
悉受四鉢累置左手中右手按之合成一鉢
今四際現而便前行威儀庠序步若鵝王路
逢外道名優波伽既見如來相好莊嚴諸根
寂定歎為奇特即說偈言

世間諸衆生 皆為三毒縛 諸根又輕躁
馳蕩於外境 而今見仁者 諸根極寂靜
必到解脫地 決定無有疑 仁者所學師

其姓字何等 爾時世尊以偈答曰
我今已超出 一切衆生表 微妙深遠法
我今已具足 三毒五欲境 永斷無餘習
如蓮華在水 不染濁水泥 自悟入正道

緣四

十二

無師無等侶 如清淨智慧 降伏大力魔
今得成正覺 堪為天人師 身口意滿足
故号为牟尼 欲趣波羅奈 轉甘露法輪
是天人魔梵 所不能轉
爾時優波伽聞此偈言心生歡喜歎未曾有
合掌恭敬圍遶而去迴顧瞻矚不見乃去

時世尊即復前行次到阿闍婆羅水側日暮
止宿而便入定當於爾時七日風雨時彼水
中有大龍王名曰真隣陀見佛入定即以其
身圍遶七匝滿七日已時彼龍王化為人形
頭面禮足而白佛言世尊在此七日之中不
至乃甚患風雨也爾時世尊以偈答曰

諸天及世人 所歡五欲樂 比我禪定樂
不可為譬類

時彼龍王聞佛此偈歡喜踊躍頭面禮足還
歸所止瑞應本起云起到文隣盲龍無提水
邊坐定七日不喘不息光照水中龍目得開
即識如來如前三佛光明目輒得視龍王歡

喜沐浴名香栴檀蘇合出水見佛相好光影如樹有華前遶佛七帀身離佛圍四十里龍有七頭羅覆佛上欲以障蔽蚤蚤寒暑時雨七日龍一心不飢不渴七日雨止佛從定寤龍化作年少道人著好服飾稽首問佛佛得無寒得無熱無為蚤蚤所繞近耶佛時答言

緣四

三

父得在屏處	思道其福快	昔所願欲聞
今已悉知快	不為彼所燒	能安衆生快
度世三毒滅	得佛泥洹快	生世得觀佛
聞受經法快	得與辟支佛	真人會亦快
不與愚從事	得離惡人快	有點別真偽
知信正道快		

佛告龍王汝當復自歸於佛自歸於法自歸於比丘僧即受三自歸諸畜生中是龍為先見佛

尔時世尊即復前往波羅奈國至憍陳如摩訶那摩跋波阿捨婆閣跋陀羅閣所止住處時彼五人遙見佛來共相謂言沙門瞿曇棄

捨苦行而還退受飲食之樂無復道心今既來此我等不須起迎之也亦勿作禮敬問所須為敷坐處若欲坐者自隨其意作此語竟而各默然尔時世尊既來至已五人不覺各從座起禮拜奉迎互為執事或復有為持衣鉢者或有取水供盥漱者或復有為凜洗脚者各違本誓猶故稱佛以為瞿曇尔時世尊語憍陳如言汝等共約見我不起今者何故違先所誓而即驚起為我執事時彼五人聞佛此言深生慚愧即前白言瞿曇行道得無疲倦尔時世尊語五人言汝等云何於無上尊而以高情稱喚姓也我心如空於諸毀譽無所分別但汝憍慢自招惡報譬如子稱父母名於世儀中猶尚不可况我今是一切父母時彼五人又聞此語倍生慚愧而白佛言我等愚癡無有慧識不知今者已成正覺所以者何往見如來日食麻米苦行六年而今還受飲食之樂我以是故謂不得道尔時

世尊語憍陳如言汝等莫以小智輕量我道成與不成何以故形在苦者心則惱亂身在樂者情則樂著是以苦樂兩非道因譬如鑽火澆之以水則必無有破暗之照鑽智慧火亦復如有苦樂水慧光不生以不生故不能滅於生死黑障今者若能棄捨苦樂行於

緣四

十四

中道心則寂定堪能修彼入正聖道離於生老病死之患我已隨順中道之行得成阿耨多羅三藐三菩提時彼五人既聞如來如此之言心大歡喜踊躍無量瞻仰尊顏目不暫捨爾時世尊觀五人根堪任受道而語之言憍陳如汝等當觀五盛陰苦生苦老苦病苦死苦愛別離苦怨憎會苦所求不得苦失榮樂苦憍陳如有形無形無足一足二足四足多足一切衆生無不悉有如此苦者譬如以灰覆於火上若遇乾草還復燒然如是諸苦由我爲本若有衆生起微我想還復更受如此之苦貪欲瞋恚及以愚癡皆悉緣我根本

而生又此三毒是諸苦因猶如種子能生於芽衆生以是輪迴三有若滅我想及貪瞋癡諸苦亦皆從此而斷莫不悉由彼入正道如人以水澆於盛火一切衆生不知諸苦之根本者皆悉輪迴在於生死憍陳如苦應知集當斷滅應證道當修憍陳如我已知苦已斷

集已證滅已修道故得阿耨多羅三藐三菩提是故汝今應當知苦斷集證滅修道若人不知四聖諦者當知是人不得解脫四聖諦者是真是實苦實是苦集實是集滅實是滅道實是道憍陳如汝等解未憍陳如言解已世尊知已世尊以於四諦得解知故故名阿

緣四

十五

若憍陳如當三轉四諦十二行法輪時阿若憍陳如於諸法中遠塵離垢得法眼淨時虛空中八萬那由他諸天亦離塵垢得法眼淨爾時地神見於如來在其境界而轉法輪心大歡喜高聲唱言如來於此轉妙法輪虛空天神既聞此言又生踊躍展轉唱聲乃至阿

迦臆吒天諸天聞已欣悅無量高聲唱言如來今日於波羅奈國鹿野苑中仙人住處轉大法輪一切世間天人魔梵沙門婆羅門所不能轉尔時大地十八相動天龍八部於虛空中作衆妓樂天鼓自鳴燒衆各香散諸妙華寶幢幡蓋歌唄讚歎世界之中自然大明阿若憍陳如於弟子中以始悟故爲第一弟子時彼摩訶那摩等四人聞佛轉法輪已阿若憍陳如獨悟道跡心自念言世尊若更爲我說法我等亦當復得悟道作此念已瞻仰尊顏目不暫捨尔時世尊知四人念即便重爲廣說四諦于時四入於諸法中亦離塵垢得法眼淨時彼五人見道跡已頂禮佛足而白佛言世尊我等五人已見道跡已證道跡我等今者欲於佛法出家修道唯願世尊慈愍聽許於時世尊喚彼五人善來比丘鬚髮自落袈裟著身即成沙門尔時世尊問彼五人汝等比丘知色受想行識爲是常爲無常

也爲是苦爲非苦也爲是空爲非空也爲有我爲無我也時五比丘聞佛說是五陰法已漏盡意解成阿羅漢果即便答言世尊色受想行識實是無常苦空無我於是世間始有六阿羅漢佛阿羅漢是爲佛寶四諦法輪是爲法寶五阿羅漢是爲僧寶如是世間三寶具足爲諸天人第一福田

尔時有長者子名曰耶舍聰明利根極大臣富閻浮提中最爲第一服天冠瓔珞著無價寶履其於中夜與諸妓女相娛樂已各還寢息忽從眠覺見諸妓女或有伏卧或有仰眠頭髮蓬亂涎垂流出樂器服玩顛倒縱橫既

緣四

十六

見是已生厭離心而自念言我今在此災怪之內於不淨中妄生淨想作是念時以天力故空中光明門自然開尋光而去趣鹿野苑路由恒河高聲唱言苦哉苦哉佛言耶舍汝便可來我今此有離苦之法耶舍聞已所著寶履價直閻浮提即便脫之度於恒河往詣

佛所見三十二相八十種好顏容挺特威德具足心大歡喜踊躍無量五體投地頂禮佛足唯願世尊救濟於我佛言善哉善哉善哉善男子諦聽諦聽善思念之如來即便隨順其根而為說法耶舍色受想行識無常苦空無我汝知之不是時耶舍聞說此語即於諸法遠塵離垢得法眼淨於是如來重說四諦漏盡意解心得自在成阿羅漢果即答佛言世尊色受想行識實是無常苦空無我尔時如來猶見耶舍著嚴身具即說偈言

雖復處居家 服寶嚴身具 善攝諸情根 獸離於五欲 若能如此者 是為真出家

身雖在曠野 服食於鹿澀 意猶貪五欲 是為非出家 一切造善惡 皆從心想生 是故真出家 皆以心為本 尔時耶舍既見如來說此偈已心自念言世尊所以說此偈者正當以我猶著七寶我今宜應脫如此服即便禮足而白佛言唯願世

絲四

十七

尊聽我出家佛言善來比丘鬚髮自落袈裟著身即成沙門尔時耶舍父既至天曉求覓耶舍不知所在心大懊惱悲號涕泣緣路推尋到恒河側見其子履心自思惟我子正當從此道去即尋其跡至於佛所尔時世尊知其為子故來至此若使即得見耶舍者必生

大苦或能命終便以神力隱耶舍身其父即便前到佛所頭面禮足退坐一面於是如來即隨其根而為說法善男子色受想行識無常苦空無我汝知之不時耶舍父聞說此言即於諸法遠塵離垢得法眼淨而答佛言世尊色受想行識實是無常苦空無我尔時如來既已知其見於道跡恩愛漸薄而問之言汝何因緣而來至此其即答言我有一子名曰耶舍昨夜之中忽失所在今旦推求見其寶履在恒河側追尋之跡故來至此尔時世尊攝其神力其父即便得見耶舍心大歡喜語耶舍言善哉善哉汝為此事真實快也既

能自度又能度他汝今在此故令我來得見道跡即於佛前受三自歸於是閻浮提中唯此長者爲優婆塞最初獲得供養三寶亦時又有耶舍朋類五十長者子聞佛出世又聞耶舍於佛法中出家修道各自念言世間今者有無上尊長者子耶舍聰慧辯了才藝兼

人乃能捨其豪族棄五欲樂毀形守志而爲沙門我等今者復何顧戀不出家也作是念已共詣佛所未至之間遙見如來相好殊特光明赫弈心大歡喜舉體清涼敬情轉至即前佛所合掌圍遶頭面禮足諸長者子宿植德本聰達易悟如來即便隨其所應而爲說

法善男子色受想行識無常苦空無我汝知之不說此語已諸長者子於諸法中遠塵離垢得法眼淨即答佛言世尊色受想行識實是無常苦空無我唯願世尊聽我出家佛言善來比丘鬚髮自落袈裟著身即成沙門亦時世尊又爲廣說四諦時五十比丘漏盡意

絲四

十八

解得阿羅漢果亦時始有五十六阿羅漢是時如來告諸比丘汝等所作已辦堪爲世間作上福田宜各遊方教化以慈悲心度諸衆生我今亦當獨往摩竭提國王舍城中度諸人民諸比丘言善哉世尊亦時比丘頭面禮足各持衣鉢辭別而去

亦時世尊即便思惟我今應度何等衆生而能廣利一切人天唯有優樓頻螺迦葉兄弟三人在摩竭提國學於仙道國王臣民皆悉歸信又其聰明利根易悟然其我慢亦難摧伏我今當往而度脫之思惟是已即發波羅奈趣摩竭提國日將昏暮往優樓頻螺迦葉住處于時迦葉忽見如來相好莊嚴心大歡喜而作是言年少沙門從何而來佛即答言我從波羅奈國當詣摩竭提日既晚暮欲寄一宿迦葉又言寄宿止者甚不相違但諸房舍悉弟子住唯有石室極爲潔淨我事火具皆在其中此寂靜處可得相容然有惡龍居

在其內恐相害耳佛又荅言雖有惡龍但以見借迦葉又言其性兇暴必當相害非是有惜佛又荅言但以見借必無辱也迦葉又言若能住者便自隨意佛言善哉即於其夕而入石室結跏趺坐而入三昧尔時惡龍毒心轉盛舉體烟出世尊即入火光三昧龍見是

緣四

九

已火燄衝天焚燒石室迦葉弟子先見此火而還白師彼年少沙門聰明端嚴今為龍火之所燒害迦葉驚起見彼龍火心懷悲傷即勅弟子以水澆之水不能滅火更熾盛石室融盡尔時世尊身心不動容顏怡然降彼惡龍使無復毒授三歸依置於鉢中至天明已迦葉師徒俱往佛所年少沙門龍火猛烈將無為此之所傷也沙門借室我昨所以不相與者正為此耳佛言我內清淨終不為彼外災所害彼毒龍者今在鉢中即便舉鉢以示迦葉迦葉師徒見於沙門處火不燒降伏惡龍置於鉢中歎未曾有語弟子言年少沙門

雖復神通然故不如我道真也

尔時世尊語迦葉言我今方欲停止此處迦葉荅言善哉隨意是時如來於第二夜坐一樹下時四天王夜來佛所而共聽法各放光明照踰日月迦葉夜起遙見天光在如來側語弟子言年少沙門亦事於火至明日曉往詣佛所問言沙門汝事火也佛言不也有四天王夜來聽法是其光耳於是迦葉語弟子言年少沙門有大神德然故不如我道真也至第三夜釋提桓因來下聽法放大光明如日初昇迦葉弟子遙見天光在如來側而白師言

年少沙門定事火也至於明旦往詣佛所問沙門言汝定事火佛言不也釋提桓因來下聽法是其光耳于時迦葉語弟子言年少沙門神德雖盛然故不如我道真也至第四夜大梵天王來下聽法放大光明如日正中迦葉夜起見有光明在如來側沙門必定事於

火也明日問佛汝定事火佛言不也大梵天王夜來聽法是其光耳於是迦葉心自念言年少沙門雖復神妙然故不如我道真也尔時迦葉五百弟子各事三火於晨朝時俱欲然火火不肯然皆向迦葉具說此事迦葉聞已心自思惟此必當是沙門所為即與弟子

緣四

二十

來至佛所而白佛言我諸弟子各事三火且欲然之而火不然佛即答言汝可還去火自當然迦葉便還見火已然心自念言年少沙門雖復神妙然故不如我道真也諸弟子衆供養火畢而欲滅之不能令滅即向迦葉具說此事迦葉聞已心自思惟此亦當是沙門所為即與弟子來至佛所而白佛言我諸弟子朝欲滅火而火不滅佛即答言汝可還去火自當滅迦葉便歸見火已滅心自念言年少沙門雖復神妙然故不如我道真也尔時迦葉自事三火晨朝欲然火不肯然即自思惟此必復是沙門所為即往佛所而白佛言

我朝然火而不肯然佛即答言汝可還去火自當然迦葉便歸見火已然心自念言年少沙門雖復神妙然故不如我道真也於時迦葉供養火畢而欲滅之不能令滅心自思惟此必當是沙門所為即往佛所而白佛言我朝然火今欲滅之而不肯滅佛即答言汝可

遠去火自當滅迦葉便歸見火已滅心自念言年少沙門雖復神妙然故不如我道真也瑞應本起云迦葉復念是大沙門神則神矣然未得道不如我得羅漢尔時迦葉諸弟子衆晨朝破薪斧不肯舉即向迦葉具說此事迦葉聞已心自思惟此必復是沙門所為即

緣四

二十一

與弟子來至佛所而白佛言我諸弟子晨朝破薪斧不肯舉佛即答言汝可還去斧自當舉迦葉便歸見諸弟子斧皆得舉而自念言年少沙門雖復神妙然故不如我道真也迦葉弟子即得舉斧復不肯下還向迦葉具說此事迦葉聞已心自思惟此亦當是沙門所為

即與弟子往至佛所而白佛言我諸弟子且欲破薪斧既得舉復不肯下佛即荅言汝可還去當令斧下迦葉還歸見諸弟子斧皆得下心自念言年少沙門雖復神妙然故不如我道真也尔時迦葉於晨朝時自欲破薪斧不得舉心自思惟此亦當是沙門所為即詣

佛所而白佛言我且破薪斧不肯舉佛即荅言汝可還去斧自當舉迦葉既還斧即得舉心自念言年少沙門雖復神妙然故不如我道真也迦葉斧既舉已復不肯下心自思惟此亦當是沙門所為即詣佛所而白佛言我斧已舉復不肯下佛即荅言汝可還去斧自

當下迦葉即歸斧即得下心自念言年少沙門雖復神妙然故不如我道真也尔時迦葉即白佛言年少沙門夏止住此共修梵行房舍衣食我當相給于時世尊默然許之迦葉知佛許已還其所住即勅日日辦好飲食并施牀座至明食時自行請佛佛言汝去我隨

後往迦葉適去俄尔之間世尊即便至閻浮洲界取閻浮果滿鉢持來迦葉未至佛已先到迦葉後來見佛已坐即便問言年少沙門從何道來而先至此佛以鉢中取閻浮果以示迦葉而語之言汝今識此鉢中果不迦葉荅言不識此果佛言從此南行數萬踰閻那

彼有一洲其上有樹名曰閻浮綠有此樹故言閻浮提我此鉢中是彼果也於一念頃取此果來極為香美汝可噉之於是迦葉心自思惟彼道去此極為長遠而此沙門乃能俄尔已得還往神通變化殊自迅疾然故不如我道真也普曜經云迦葉適去佛以神足上

釋四

廿二

初利天取晝度果神足南行數千万里極閻浮提界上取呵蚤勒果餘三天下皆亦如是文多不載迦葉曰從何道來佛言卿每去後吾至四城及上初利天中取此果來香美可食卿可食之瑞應本起云明日食時迦葉請佛佛言便去今隨後往佛南行極閻浮提界上數千万里取

呵梨勒果盛滿鉢還迦葉未歸佛已坐其牀
 迦葉至問何緣先到佛言卿適去我即行此
 地界取呵梨勒果亦香且美便取食之佛飯
 已去迦葉續念是大沙門雖神不如我道真也
 迦葉即便下種種食佛即呪願
 婆羅門法中 奉事火為最 一切眾流中

大海為其最 於諸星宿中 月光為其最
 一切光明中 日光為其最 於諸福田中
 佛福田為最 若欲求大果 當供佛福田
 佛食已訖還歸所住洗鉢漱口坐於樹下明
 日食時復往請佛佛言汝去我隨後往迦葉
 適去俄尔之間世尊即便至弗婆提取菴摩
 羅果滿鉢持來迦葉未至佛已先到迦葉後
 來見佛已坐即便問言年少沙門從何道來
 而先至此佛以鉢中菴摩羅果以示迦葉而
 語之言汝今識此鉢中果不迦葉答言不識
 此果佛言從此東行數萬踰闍那到弗婆提
 取此果來名菴摩羅極為香美汝可食之迦

絲四

廿三

葉聞已心自念言彼道去此極為長遠而此
 沙門乃能俄尔已得往還觀其神化所未曾
 有然故不如我道真也迦葉即便下種種食
 佛即呪願

婆羅門法中 奉事火為最 一切眾流中
 大海為其最 於諸星宿中 月光為其最
 一切光明中 日光為其最 於諸福田中
 佛福田為最 若欲求大果 當供佛福田
 佛食已畢還歸所止洗鉢漱口坐於樹下明
 日食時復往請佛佛言汝去我隨後往迦葉
 適去俄尔之間世尊即便至瞿陀尼取呵梨
 勒果滿鉢持來迦葉未至佛已先到迦葉後
 來見佛已坐即便問言年少沙門從何道來
 而先至此佛以鉢中呵梨勒果以示迦葉而
 語之言汝今識此鉢中果不迦葉答言不識
 此果佛言從此西行數萬踰闍那到瞿陀尼
 取此果來名呵梨勒極為香美汝可食之迦
 葉聞已心自念言彼道去此極為長遠而此

沙門乃能俄尔已得往還觀其神通所未曾有然故不如我道真也迦葉即便下種種食佛即呪曰

婆羅門法中 奉事火為最 一切眾流中 大海為其最 於諸星宿中 月光為其最 一切光明中 日光為其最 於諸福田中

佛福田為最 若欲求大果 當供佛福田 佛食已訖還歸所止洗鉢漱口坐於樹下明日食時復往請佛佛言汝去我隨後往迦葉適去俄尔之間世尊即便至鬱單越取自然粳米飯滿鉢持來迦葉未至佛已先到迦葉後來見佛已坐即便問言年少沙門從何道

來而先至此佛以鉢中粳米飯以示迦葉而語之言汝今識此鉢中飯不迦葉荅言不識此飯佛言從此北行數萬踰闍那到鬱單越取此自然粳米飯來極為香美汝可食之迦葉聞已心自念言彼道去此極為長遠而此沙門乃能俄尔已得往還雖復神通難可測

緣四

廿四

量然故不如我道真也迦葉即便下種種食佛即呪曰

婆羅門法中 奉事火為最 一切眾流中 大海為其最 於諸星宿中 月光為其最 一切光明中 日光為其最 於諸福田中 佛福田為最 若欲求大果 當供佛福田

佛食畢已還歸所止洗鉢漱口坐於樹下明日食時復往請佛佛言善哉即共俱行既到其舍下種種食佛即呪願

婆羅門法中 奉事火為最 一切眾流中 大海為其最 於諸星宿中 月光為其最 一切光明中 日光為其最 於諸福田中

佛福田為最 若欲求大果 當供佛福田 尔時世尊呪願已畢即便取食獨還樹下食竟心念須水釋提桓因即知佛意如大壯士屈伸臂頃從天下來到於佛前頭面禮足即便以手指地成池其水清涼具八功德如來即便得而用之澡漱既畢為釋提桓因說種

種法釋提桓因既聞法已歡喜踴躍忽然不現還歸天宮是時迦葉於中食後林間經行心自念言年少沙門今日受食還歸樹下我當往彼而看視之即詣佛所忽見樹側有一大池泉水澄淨具八功德怪而問佛此中云何忽有此池佛即荅言且受汝供還歸此食

綵四

卅五

食訖須水澡漱洗鉢釋提桓因知我此意從天上來以手指地而成此池尔時迦葉既見池水復聞佛言心自思惟年少沙門有大威德乃能如此感致天瑞然故不如我道真也尔時世尊別於他日林間經行見糞穢中有諸弊帛即便拾取欲浣濯之心念須石釋提桓因即知佛意如大壯士屈伸臂頃往香山上取四方石安置樹間即白佛言可就石上浣濯衣也佛復心念今應須水釋提桓因又往香山取大石槽盛清淨水置方石所釋提桓因所為事畢忽然不現還歸天宮尔時世尊浣濯已竟還坐樹下是時迦葉來

至佛所忽見樹間有四方石及大石槽即自思惟此中云何有此二物心懷驚怪而往問佛年少沙門汝此樹間有四方石及以石槽從何而來於是世尊即荅之言我向經行見地弊帛取欲浣之心念須此石釋提桓因知我此意即往香山而取之來迦葉聞已歎未曾有而自念言年少沙門雖有如是大威神力能感諸天然故不如我道真也

釋迦譜卷第四

綵四

翔飛音祥 | 手捫 | 下音門 | 蚊行 | 上音祇 | 蠕動 | 上音
兒動 | 痛痒 | 下音 | 栽藥 | 列下魚 | 弗灸 | 肉上切 | 眼反穿
斧鋸 | 下音南 | 剝 | 反心角 | 楚撻 | 達下他 | 咽頭 | 下音煙
反鏹 | 下音 | 煇 | 悵 | 惜 | 反上良 | 流 | 酒 | 下音 | 歌 | 喙 | 下音
也 | 鈍根 | 不 | 反 | 羣 | 條 | 下音 | 捺 | 國 | 上音 | 恬
怕 | 上音 | 徒 | 添 | 反 | 下 | 也 | 薄 | 上音 | 反 | 蜜 | 麩 | 下音 | 反 | 澡
漱 | 上音 | 躡 | 礙 | 上音 | 澆 | 上音 | 反 | 寶 | 履 | 下音 | 反 | 挺 | 特
隱 | 上音 | 餅 | 盥 | 漱 | 上音 | 澆 | 上音 | 反 | 寶 | 履 | 下音 | 反 | 挺 | 特

上亭頂 赫弈 上許客反 晝度 上知 呵蚤 下螺

廿六末

綵四

釋迦譜卷第四

釋迦譜卷第五

蕭齊釋僧祐撰

經五

釋迦降生釋種成佛緣譜第四 五之
出因果經

尔時世尊又於他日入指池而自洗浴洗浴訖已心念欲出無所攀持池上有樹名迦羅迦枝葉蔚映臨於池上樹神即便按此樹枝令佛攀出還坐樹下于時迦葉來至佛所忽然見樹曲枝垂蔭怪而問佛此樹何故曲枝垂蔭佛即荅言我於向者入池洗浴出無所攀樹神致感為我曲之於是迦葉見樹曲枝又聞佛言歎未曾有而自心念年少沙門乃

有如此大威德力能感樹神然故不如我道真也

尔時迦葉心自念言明日摩竭提王及諸臣民婆羅門長者居士等當來就我作七日會年少沙門若來在此國王臣民婆羅門長者居士等見其相好及以神通威德力者必當捨我而奉事之願此沙門於七日中不來我所佛知其意即便往詣北鬱單越七日七夜停彼不見過七日已集會訖畢國王辭去迦葉心念年少沙門近於七日不來我所善哉快哉我今既有集會餘饌欲以供之其若來者善得時宜於是世尊即知其意從鬱單越譬如壯士屈伸臂頃來到其前于時迦葉忽見如來心大驚喜即問佛言汝近七日遊行何處而不相見佛即荅言摩竭提王及諸臣民婆羅門長者居士於七日中就汝集會汝近心念不欲見我是故我往北鬱單越以避汝耳汝今心念欲令我來所以今者故來詣